



Bilete syner strandrydding i fjor langs landet frå Beinavikjo mot Ljosnes.

Uskedal utvikling oppmodar alle om å ta del i plast- og bosrydding. Det kan gjerast så enkelt at alle ryddar sine private område og felles areal i nærmiljøet. Alt i morgon startar den fyrste delen av strandryddinga. Seinare kjem Elveeigarlaget på banen med rydding av plast langs elva. På årsmøte vart det sett av kr. 10.000,- på budsjettet til dette føremålet.

Audun Eik fortel til Uskedalen.no at han i samarbeid med SIM gjennomfører strandrydding i morgon, tysdag. Jenter og gitar frå Norway Cup laget vert med. Det er ein betalt dugnad der inntekta pr. sekk går til fotballaget. All plast og bos vert levert på SIM, Husnes.

I fjor gjennomførte Kristian Bringdal og Audun Eik strandrydding rundt Holmen og slangs stranda frå Beinavikjo til Ljosnes. I år vil ein særleg samla seg om arealet på søre delen av Snilstveitøy. Lerøygruppen ved Jonny Hansen gjorde ein flott innsamlingsjobb rundt Skorpo i fjor. Selskapet har på sine heimesider kunngjort at dei vil gjera det same i år om det er behov for det.

Ei oppsummering til slutt:

- **Alle samlar plast og bos på privat grunn og i sitt nærrområde**
- **Alle grunneigarar som eig til elva, vert oppmoda om å rydda sine areal**
- **Velforningane i Halsabrotet, Skårhaug og Korsneset organiserer rydding i sine bustadfelt**
- **Dei som driv næring, ryddar sine område**
- **Skulen/barnehagen i samareid med SPAR ryddar sentrum**
- **Kommunen ryddar det som ligg av søppel på Børneskaien**

Det siste og nye er plogging der du ryddar mens du joggar. Det er faktisk registrert to ploggarar rundt dalen i dag.

Uskedalen.no føl opp gode tiltak med plastinnsamling og dermed mindre mikroplast i naturen og i havet.

Tekst/foto/nett: Kristian Bringedal



Frå den årlege plast- og bosryddinga på Snilstveitøy og Skorpo.